



Katja Wolf e Marius Deflorin.

MAD

39. Top Pop Rumantsch – coincidenzas straordinarias

■ (cp) RTR Radiotelevisiun Svizra Rumantscha preschenta il 39avel Top Pop Rumantsch: Katja Wolf e Marius Deflorin chantan ensemen «Igl ei sco igl ei».

La premiera dal Top Pop Rumantsch ha gi lieu lieu live a chaschun dal «Da cumpagnia» ils 29 da matg 2015 en il studio dal tpc a Turitg, Leutschenbach. Ier saira è il Top Pop vegnì preschentà tranter las 06.00 e las 09.00 sin las undas dal Radio Rumantsch.

Marius e Katja lavuran en la medema fatschenta da produziun e publicitad a Turitg. Ed in bel di scuvran els tschertas cuminanzas frappantas. La derivanza sur-silvana. La passiuon per il chant. E lura anc in detagl sin ina veglia fotografia da famiglia: lur dus tats che gievan a pestga ensemen en il Rain anteriur. Tut quellas coincidenzas pretendan directamain ina cuntauaziun. Per exempel en furma d'in Top Pop Rumantsch cuminaivel. *Katja Wolfe Marius Deflorin!* Tant pli ch'els èn tut auter che principiants. Katja, ch'è creschida si a Trun ed ha frequentà ina scolaziun da vusch classica, ha chantà onns or en pliras

gruppas da funk, jazz e hiphop – empres-tond schizunt in pèr tuns exquisits a las Liricas Analas. Marius, ch'è creschì si en la Bassa, ma chapescha perfetgamain rumantsch, ha era gia diversas staziuns da soul e rock davos sai e chanta dapi in pèr onns cun vusch voluminusa en lezza band che porta il num ed il bul dal bab prominent: l_mar.

Il text da la chanzun han Katja e Marius gist furnì sez, tematisond il stgars temp ch'als resta ozendi per talas aventuras. Ed ussa chantani ensemen, sur in bel riff da funk concepì en il studio Aquarium, en duas linguas: «Igl ei sco igl ei (that's the way it is)», accompagnads d'in curt intervent da Snook, il rappunz ladin. In duo, anzi, in trio vairamain straordinari.

Top Pop Rumantsch è ina seria da produziuns da musica nova ed actuala, lantschada da RTR Radiotelevisiun Svizra Rumantscha l'onn 2005. Tut ils titels da la serie èn d'udir sin la pagina d'internet da RTR sut: www.rtr.ch/home/dossiers/actual/Top-Pop-Rumantsch. Las emprimas 30 chanzuns èn er disponibilas sin ils discs compacts Top Pop Rumantsch vol. 1 & 2 ch'èn da retrair tar: RTR, Via Masans 2, 7002 Cuira.